



Inzko u Crnoj Gori: Bosna i Hercegovina će uspjeti

Daytonski mirovni sporazum podržavaju građani Bosne i Hercegovine, susjedi ove zemlje i međunarodna zajednica, i svaki pokušaj ugrožavanja Daytonu će propasti, izjavio je danas visoki predstavnik Valentin Inzko tokom posjete Crnoj Gori.

Visoki predstavnik izjavu je dao nakon sastanka u Podgorici sa predsjednikom Crne Gore Filipom Vujanovićem. Tokom jednodnevne posjete, visoki predstavnik je također održao sastanke sa premijerom Igorom Lukšićem, ministrom vanjskih poslova Milanom Roćenom, te drugim visokim zvaničnicima.

Visoki predstavnik je pozdravio dosljednu i konstruktivnu podršku Crne Gore Daytonskom sporazumu i suverenitetu Bosne i Hercegovine. On je istaknuo da će u okviru nove organizacije međunarodne zajednice u Bosni i Hercegovini OHR nastaviti da osigurava puno poštivanje i punu implementaciju Daytonskog mirovnog sporazuma.

On je izjavio da strategija međunarodne zajednice nije samo "da pazi da problemi ne eskaliraju." Zapravo, međunarodna zajednica je "uložila ogromne diplomatske i ekonomske resurse kako bi osigurala da Bosna i Hercegovina uspije i da njeni građani prosperiraju."

Visoki predstavnik je naglasio da Bosna i Hercegovina, ukoliko se stvari odvijaju na pravi način, može biti "konstruktivan i dinamičan partner" svojim susjedima dok region kao cjelina napreduje ka punoj evroatlantskoj integraciji, te je istaknuo da međunarodna zajednica ostaje "potpuno i s punim uvjerenjem angažirana" u ovoj zemlji.

Napominjući kako je Crna Gora provela reforme koje su imale "pozitivan i izravan učinak" na živote građana, on je rekao da Bosna i Hercegovina može učiti iz ovog primjera.

"Mislim da je prva lekcija to da je fokus na potencijalnom slaganju, a ne na neslaganju, što je ključ za prevazilaženje političkih prepreka."